

Director di DOW, sr. Marlon Croes:

Implementacion di BID lo duna caracter sostenibel na caya principal

ORANJESTAD – Encuanto e desaroyo den caya grandi, director di DOW, sr. Marlon Croes ta declara cu hopi inversion a wordo haci riba e parti di infraestructura pa resalta e area aki. Pero aworaki e ta considera cu pa duna un caracter sostenibel den tempo, ta sumamente importante pa implementa e “software”.

Sr. Croes a referi na e instancia cu lo wordo lanta, esta

BID (Business Improvement District) cu lo ta encarga cu e maneho di caya principal. Esaki ta inclui entre otro limpieza, mantencion di sistema di luz, mosaico, balor di edificio y mercado di caya grandi completo.

Un punto cu e ta considera importante ta esun pa bin cu reglanan con pa atende cu e borchinan riba caya grandi.

Standarisacion di borchinan
Sr. Croes a splica cu na mo-



mento cu ta wordo acepta cu un sistema di borchin di publicidad ta wordo instala den caya, esaki lo trece un bista otro di caya principal cu ta bay cambia total.

Den e proceso aki, e ta haya cu BID tin cu atende cu e asunto aki pa uniforma y duna guia riba e tipo di borchin aceptabel pa wordo instala den caya. Di e forma aki

BID mes ta opera e sistema di borchin, y asina haya un parti di entrada pa sigui draai debidamente.

Diaranson ultimo, Directiva di MAMBO, e asociacion di comerciantenan di caya principal, a anuncia oficialmente cu despues di 19 aña di existencia, e asociacion lo stop cu su operacion completo entrante 1 di februari 2015.

Sr. Croes a laga sa cu gobierno a pone un team hunto cu ATA y tambe cu Departamento di Infraestructura y Planificacion (DIP) cu ta e departamentonan di gobierno cu ta participa cu e cambio den caya grandi, pa bin cu un sistema di nomber di caya, borchinan di publicidad uniforma pa mantene e area comercial aki na un nivel halto. □

